

## 22. Gweithgaredd Systemau: Siart Cynnydd Prosiect

Mae hwn yn offeryn syml ar gyfer cadw golwg ar ble'r ydych arni gyda phopeth rydych yn gweithio arno. Os ydych yn astudio tri neu bedwar cwrs safon uwch, gwneud cais am brifysgol, trefnu i gysgodi gwaith neu yn cwblhau cymhwyster prosiect estynedig, gall y nifer o brosiectau sydd gennych ar yr un pryd deimlo'n llethol. Peidiwch â phoeni. Mae hyn yn normal.

Mae'r Siart Cynnydd Prosiect yn eich helpu i dracio lle'r ydych arni gyda phob un. Rhestrwch eich holl waith neu dasgau a'u gosod rywle ar y grid. Fe fydd yn eich helpu i flaenoriaethu beth i'w wneud nesaf.

Mae *amser* ar yr echelin lorweddol. Gosodir prosiectau sydd ar y blaen o ran amser ar y dde eithaf a phrosiectau sydd ar ei hôl hi ar y chwith eithaf. Mae *ansawdd* ar yr echelin fertigol. Gosodir prosiectau a fydd o ansawdd uchel pan fyddant wedi eu cwblhau ar y brig a phrosiectau sydd o ansawdd isel ar hyn o bryd yn mynd tua'r gwaelod.

### ANSAWDD

#### Ansawdd Uchel

.....	.....
.....	.....
.....	.....
.....	.....
.....	.....

### AMSER

Ar ei hôl hi

Ar y blaen

.....	.....
.....	.....
.....	.....
.....	.....
.....	.....

#### Ansawdd isel

Mae offerynnau rheoli prosiect da yn dweud wrthyhch ble i ddechrau pan fyddwch wedi eich gorlethu – mae unrhyw le ar y chwith gwaelod yn lle da i ddechrau. Peidiwch â theimlo'n euog am ddwyn amser o'r prosiectau yn y pedrant de uchaf. Os ydynt ar y blaen o ran amser gallwch fforddio symud ychydig o'ch amser a'ch sylw i'r prosiect sydd angen gwaith arno.

### Syniadau i gloi

Cymerwch unrhyw dasg sydd yn y pedrant ar ei hôl hi / ansawdd isel – y chwith gwaelod – a nodwch yr amser a fyddai'n ei gymryd i'w chwblhau. Nawr ewch at eich dyddiadur/cynlluniwr a chlustnodwch gyfnod pryd gallwch wneud cynnydd arwyddocaol ar y dasg hon.

Rydym hefyd wedi gweld myfyrwyr yn defnyddio'r grid hwn i flaenoriaethu pwnc unigol. Maen nhw'n rhestru pob un o'r meysydd sydd angen ei adolygu a'u gosod ar y matrices. Y meysydd gaiff eu gosod ar y chwith gwaelod yw'r rhai maen nhw'n gwybod sydd angen canolbwyntio arnynt gyntaf.